

盛明雜劇二集

十種曲

古越

太室山人編

醉鶴居士評

錯轉輪

畫堂春。浮雲解笑北邙堆。青山似有餘悲。須將幻泡
破。沉迷造物兒嬉。試向吾身認主。認主人。又爲誰。鍼
關參透。火薪微。說與因依。

撇得下棄身張子。

趕的上爲友王生。

救錯輪。勘明水判。

再合權重會劉荆。

第一齣

淨素袍扮判上。悟却石中火，已了夢時身。啣家姓，水雙名。浣塵轉輪殿下見我姓，得一廉如水。又把塵垢浣去，十分清潔。如今陰界不公不法，有犯天條，把啣填了第一部。下掌案功曹啣家走馬到任。但是該變異類的，一一擬定，宣奏我主。小可的理繁治劇。天道地道人道鬼道，挨不盡轉磨輪。廼胎生卵生濕生化生，筭不了滿盤堆子。眼見鯀爲黃熊，杜宇爲鷓鴣，褒君爲龍，牛哀爲獸，君子爲鵠，小

人爲猿。彭生爲豕。如意爲犬。黃姆爲龍。宣武爲鼈。鄧艾爲牛。徐伯爲魚。鈴下爲鳥。書生爲蛇。都是啗家依律遣發的。正是下界足官府、丰稜破鬼膽。這也不在話下。近來殿下、各命山川社稷之神、遍訪陽世通曉律例的、壽數雖在人間、姓名先註地府。秀士王賢正在其列。我主見他練達可用、時常宣召論律。因此與他交厚、向有疑獄數宗、久未定奪。請他相議。想此時就到也。生巾服扮王賢上。

仙呂點絳脣

生半榻清幽、幾年消受、刑名究、堪並蕭

侯飛步把閻浮剖

自家王賢便是生平好善解律甚詳不料地府因我善究刑名註藉功曹燮理陰界只因陽壽未滿有召方去適纔殿下議事已完又聞水判翁呼喚只索走一遭也揖介生判翁拜揖判有勞光顧請坐坐介先生自古道讀書不讀律致君堯舜終無術你把律法試說一番啗家洗耳聽者

混江龍

生刑章參究詳明三尺借前籌猛可的論情

來要透比例處宜周莫說陰司陽界遠都將五判六

獨鶴決
雲百鯨

吸海差
可擬其

魄力

王茂弘
千古有

花侔真個是風行似吼。電鞠如流。霜飛何有。日部齊
收。虎頭牌。押出法曹。鳩魚尾冊。觸着虞廷獸。暫停分
手。說與從頭。

判奸洒落也。今日閒暇。且把干劫模糊的事情。與
先生勘辨一番。那王導爲晉室大臣。晉帝以大義
滅親。褒之。俺想王敦之叛。已非一朝。導賊不能先
啓元帝。潛爲之備。敦至石頭。不聞規以正言。反受
司徒之擢。君臣大義。那裡討得。又見敦賊之叛。晉
帝出於無奈。下詔敢有捨敦姓名。稱大將軍者。軍

知自應
捫舌

導奸離
也故反
以明語
攻之

法從事、敦賊既死、導賊貽王含書、猶云、近承大將
軍困篤綿綿、或云、已有不諱、故違明詔、特伸私情。
此非敦反、皆導反也。及至敦賊問道、周顛戴淵、該
登三司、又道若不三司、便應令僕。又道若不爾、正
應誅之、導賊默無一言、致使周顛就戮、分明招出
殺害忠良的罪狀了。生判翁言之有理。

洪葫蘆

生他篡逆機謀起掖肘、莽平章冒了公旦手。

全不想懷光將反、李璣憂、就是那弒君石厚、春秋有
誅兒如碣、應知否。若使敦謀倖成、見了朱全、豈能不

羞。遇着司馬孚恰是醜。判翁還有一事，不曾數落他。峻兵來，拋着官家走。說恁麼廷尉的望山頭。

判快哉。那溫嶠這廝，奉劉琨之檄，將命江左。其母崔氏固止之，絕裾而行。母隨以亡。俺想將命豈無他人，嶠若念母，獨不得辭，意不過爲江左將興。奉檄勸進，微倖富貴，恐悖天倫，深爲可恨。**生**小生從來切齒此人。

天下樂生母老無依，兀自愁休休，忍不留，與王陵趙苞做一流。報劉時却未經，覷浮榮不肯休，却不是羞。

蚤發此
議於東
漢安有
黨綱之
禍

將那徐庶偶、

判又那張儉這廝、妄緣入及、虛冒名高、疾朱並之
已甚、致候覽之怨深、亡命困逼、破家相容、因而重
誅連引、宗親並皆殄滅、郡縣爲之殘破、及黨綱已
解、揚揚故里、覩然就官、反使無辜被累、寧不愧死。
生孽自己作、空汗善良、一人逃死、禍及萬家、其罪
不在王導溫嶠之下。

那吒令生浮名妄自收、枉做衣冠學楚囚、株連生禍
久、弄得知交遍刃矛、貪生不肯休、恁的潛逃歷九州、

全不顧壞邦家黨錮深。惹得那漢天子多窮究。只有那荀爽知幾。夏馥善隱。何顒巧救。幸得苟全。其餘不知害了多少人。真個是敗羣羊業罪山丘。

判說得痛快。啗家憤恨。不覺頓釋了也。可奈張俊這奸賊。附着秦檜。害了岳王。此乃人旁之俊也。那水旁張浚。係廣漢人氏。嘗稱武穆忠孝無雙。武穆冤死。宋天子納了程宏之奏。昭雪其冤。浚與參贊陳俊卿。悲感歎服。後人反道是此君陷害。幾乎抹殺好人。可惡人旁張俊。受了樞密之職。諂附逆賊。

俊奸雄
也故反
以隱語
諷之

補齊諧
所不備

殺害忠良。又將姓名混匿。好及莫辨。啖家不勝悲憤。先生問他。大。大。一。個。罪。名。方。快。吾。願。生。犬。豕。不食其餘。正此人也。

鵲踏枝

生俺幾回六橋秋。吊衰柳。可憐着忙召金牌。

上將兵休。斷送了宋室的江山。何處有張俊的賊。你用了這般奸計。到如今淘不盡風雨大刀頭。

判還有一事可笑的。生願聞判彭祖好知滋味。善

烹雉羹以事帝堯。準準活了八百。忽起凡心。晚娶

鄭氏。妖淫敗道而死。也要先生定個風流罪過。生

前三事

法語峻

整後二

事趣語

玄淡

小生也曾作詩嘲他過來空、飡、雲、母、連、山、盡、不、見、
蟠、桃、結、子、時。

寄生草

生他元精盜。日月週。謂恁的枯籐纏着嬌花

候。謂恁的芒鞋尋錯陵源藪。謂恁的鼎丹都被春光
漏。你便是溪雲忽到楚王臺。全不啻荒丘頓飽螻蟻

日。

判笑介如此攝生、猶致損命、可爲好色之戒、還有
一個婦人、甚是奇異、人都道秋胡之妻、係秋胡戲
之而死、不知此婦了無才行、單爲其夫、偶有外遇、

不勝憤怨。投川而死。到與貞烈爲伍。也要先生判

斷一番。生他輕生同於古冶。狗節異於曹娥。此乃

凶險之頑人。強梁之悍婦也。

么生將夫恨。赴水流。一霎紅顏。漫捲桃花溜。一霎香

魂。浪逐浮鷗。偶一霎怨懷。叫冷啼。鴿瘦。昔有劉伯玉

之妻。聞夫誦洛神賦。遂投洛水而死。因名此水爲妬

婦津。怎比得屈原千載。汨羅江正好配悍妻。一賦波

心覆。

比例誅
心是老
更斷獄
手

判這幾宗案卷。就要裁奏輪迴。變作異類。有勞判

還他一
個風流
業報

發生依小生見來、王導該變耕牛、因他忒不爲主、待他償了悖主之債、後來更受一刀、溫嶠該變鴟、烏、全忘反哺。死卽梟懸、張儉該變一個穿山甲、十重堅石、也能鑽身、遍體鱗甲、不知害了多少生命、張俊該變中山狼、貪殘悖義、狠惡性生、彭祖與鄭氏、該變一對雌雄、野狐妖能拜月媚、可借丹還他、有些仙氣、秋胡的悖妻、該變毒蛇、妬同射影、悍若含沙、愚見雖則如此、還求判翁裁定、判鐵案已成、更無異議、正是與君一夕話、勝讀十年書、多謝先

生者、揖介

煞尾

生判翁你一天的錄事衙。十地裡功曹奏。凜三尺無私案。覆。忔察察靈祇雷電吼。四大洲業報輪迴。八萬界獄情細剖。要從頭律例皆參透。再休將賄投枉圖些機彀。我和你做蕭曹刀筆要與劉。

第二齣

小生巾服扮張子才上。與世逐浮沉。無繇破天奧。欲窮世外想。殊以照窮照則俺張子才是也。日事詩書。常厭塵囂之苦。心遊玄曠。惟耽奇異之觀。荆

是過來
人說話

妻劉氏、頗亦安貧、契友王兄、時來論道、近聞王兄
常往地府、去若乘風、來如夢覺、俺未之全信、他說
今日到此相訪、少待則個、

雙調新水令

生巾服上幾年夢裡歷邯鄲、熟黃梁利

名休、絆笑觸蠻、分兩國、悟芥子、納丘山、醒眼橫、看見
塵世幾昏旦、

小生王兄來也、俺望眼穿哩、揖介小生請坐、坐介

小生聞哥哥神遊冥府之異、一時未信、生兄弟身

遊地府、有召即去、往返甚多、小生果有此事、奇絕

奇絕不知哥哥職掌何事故此相召不絕生轉輪殿下因我精曉律法不時商議定奪小生地獄之說如風捲殘雲月浮空冰一切幻象俱屬烏有見何見之妄耶生兄弟有所不知聽俺道來

開大眼
界

鴈兒落生俺則見天形一笠圓俺則見地脈雙輪幻祇爲那三章約法關因此上十殿宣差慣

小生哥哥去時却怎麼樣

得勝令生早知道生死本循環須索要去住任飄帆那些個鼠穴乘車異真個是蜂衙判牘繁孤單帝座

指東說
西句句

裡臣如鴈。間關刑書上筆似山。

小生哥哥如此行蹤。兀的不勞神哩。

沽美酒 生閃孤燈。竟未安。更陰使叩雙環。乘灑氣高。高下下間。陡仙槎入地。趕度風月冥途寒。

小生那地府風景若何。再細說一番者。

川撥掉 生列九棘。是劍爲山。排堂食是鐵。作飡業重。身殘債償。須還果報多般。罪案難翻。受盡時輪千變。萬這都是一樁樁。覷着眼。

小生但依哥哥所說。冥路非遙。何以使我同去一

此等句
非臨川
不能用
非臨川
亦不敢
用太室
才勝橫
絕遠堪
方軌

看生兄弟差矣。地府非遊玩之所。況人生具此四大非有幽召。怎能殼出無入。真小生俺只索要去也。

太平令 生相隔斷陰陽非誕。要追隨人鬼殊難。俺可也似冰蚕寒生時。慣同火鼠熱來無患。勸伊家隨安且安。再休想得閒處。失閒呀。牢守着睡眠。饑飯。

符使執牌飛上立。生起拱手。符下介。小生哥哥與那個拱手。生冥府相召兄弟。則便去也。小生兄弟一定夢回哥哥。一去。生笑介。

七兄弟生兄弟非關俺苦難。頃刻絕塵凡。這程途一

去無人返。你神寬牢駐待蒼顏。則俺這差科難留盼。

急下介小生可不驚殺人也。作趕介哥哥等着兄

弟同去。一時間叫不轉來。却怎麼處。

梅花酒小生浮生一指彈。軀殼殫肉皮頑。嘆人生世

間奇絕恁多般。願聳身跳入空中盼。洗眼偷將世外
看。想追隨亦未晚。怎生得趁風旗暫往還。挽雲車畧
躋板。乘電駕任飛翻。

作痴想介俺想人生幻殼所滯。不能往返空虛。我

有一計不免自縊。追趕着他咫尺之間，必可同往。

收江南

小生呀，則姪女嬰兒暗度關。做月下追韓有

甚難。從教這九點歷烟殘。儘乾坤一霎間。豈榆枋飛
翻寸餘難。

且將此事瞞了荆妻，放在案上，教他晝夜之間，悄悄待我還冤。豈不是一場奇事。寫書介。

收尾

小生樊籠鬱鬱，休羈絆。準睜着奇觀俏眼，走不

盡虛空。隨步隔人寰。便向死裏營生也。希罕。急下介。

楔子

北清江引 生同符使上走唱介 寒關暮靄荒烟蔽。多
少愁冤逝。人間豺虎橫。壘塚狐狸睡。到不如渾陰陽
的香案吏。

下介 鬼破衣帽潛上探望 小生趕上介 哥哥快等
着兄弟者呀 爲何就不見了 慌問鬼介 請了曾見
有一書生過去麼 鬼就在前面 小生哥哥那哩 哥
哥那哩 再叫不應 却怎麼好 走介

么 小生論人生死途誰不畏 只爲貪神異 雙鴻且失
羣 一鴈渾無計 悔當初拚身還自累

急下鬼笑介生時帶來死時用、惟有欺人黑心孔、自家只因罪惡貫盈、大王罰我變作一猪、方纔看得這廝慌慌張張、東走西撞、想是新入鬼門的、不免將計就計、賺得他替我輪迴、撒撇了這場禍事、也不枉天生我這刁惡心腸、就在陰司也做一個有名的黠鬼、解卒持棍上打介、哇、這鬼好生可惡、大王因你罪惡、遣發變猪、還要撇着禍事哩、鬼跪介、鬼使哥、不要發惱、我有一樁好事、你可兩得便、宜、小鬼自有孝順、卒、你且說來、鬼、此處有一新鬼、

未經發落、在此胡撞、若騙得此鬼、替償業報、感恩
非淺、卒須要重重使用、纔替你方便哩、鬼這裡有
個親戚趙媽媽、就在陰司開着酒舖、到他家裡借
些錢鈔相謝何如、卒這也使得、就此同行、轉灣摸
角、此間就是鬼趙媽媽何在、趙上是那個呀、錢姪
兒久不到門、來此何幹、鬼實不相瞞、只因舊事未
結、缺乏使用、特借幾貫錢鈔、趙家道蕭條、一些兒
也沒有、鬼哭介媽媽、待用甚急、快些救我一救、趙
也罷、俺有個表親李二媽、寄庫一千貫、着俺看守、

借與你罷、却要加利送還、**鬼**這個自然、**趙**待我取
來、錢鈔在此、**鬼**多謝媽媽、**鬼**收介、**趙**若還近市、利
三倍、暫借、腰纏十萬錢、**下介****鬼**使哥、謝物送你
拿去、望乞相救、**卒**只是別處還要使用、暫且收下、
鬼你在柳陰之下、少待片時、待我賺他便了、**卒**依
你就是、**下介****鬼**探望閃下、**小生**急上介、哥哥快轉
來、怎麼再追趕不上了、

么 **小生**浮生泛逐滄茫地、望斷鄉關內、黃沙淚眼枯、
黑地孤覓滯、見無踪、有誰來救濟、

急走下鬼撞上俱倒介鬼那個絆這一跌作驚介
噯喲老兄爲何獨自在此行走是你造化到了遇
着了我小生慌介却怎麼鬼還不知道這是什麼
所在這一條路專有奸騙鬼覓解往變畜者生捉
行路鬼覓充數我就是押解公差在此等候鬼犯
齊到即便解去哩小生哀求介解哥救命可憐可
憐鬼我就方便你罷衆鬼皆認得我是解哥況我
與你面貌相似你把我的衣帽換了那時都道是
我不敢騙冒只是忒便宜了你小生多感厚意就

此相易換衣帽同走介

且代遼東類教你遇盧杞來仍做鬼。

小生說什麼盧杞鬼那藍面鬼會殺官猪。小生大

哭介呀不好了。又說且代遼東類是乃遼東豕也。把俺充騙變猪去了。兀的不嚇死人也。鬼差不多兒那押解的來也。鬼急下。雜扮虎牛羊犬猴披身。雜小生亂走。解卒二持棍押走介。

么二卒鳥飛兔走紛紜隊。怎避今生世償還屋水痕。

妙
諸人

遣沛風蟬蛻勸人生好將身命惜。

俱押下介

第三齣

且慌上介飛雲思故岑。漲水返舊壑。合此幾州鐵。難鑄一大錯。丈夫與王生聚話。便欲往觀地獄書。齋縊死。追覓同去。寫書留下。着奴家看守。還覓過了兩日。未見醒動。這場變故。少不得在王生身上。不免去他家裡討個端的。已到門首。王先生快來。生上。是那個呀。張大嫂因甚到此。揖介。且不好了。

九月十五日午時、丈夫縊死、隨你同遊地府、還未
返、冤哭介、多則不濟事也、怎麼了得、生慌介、却怎
好也、但我在冥途、實未曾見、旦你既在家無恙、是
你假言妖妄、謀害他們、少不得和你討個下落、生
大嫂不須憂悶、俺與張大哥、情同骨肉、自然尋個
端的、則是冥府無召、如何好去、旦這也管你不得、
生想介、事已到此、沒奈何了、小生亦當縊死、追他、
冤鬼回來、大嫂早家去也、作閉門下介、旦看他急
忙閉門進去、想卽縊死、追尋奴家、且歸家等待、若

可稱死
爰

不還冤告到官司、少不得問他人命的罪名、正是
欲訪浮生起滅因、誰知身在亦非身、驚冤待作居
停主、幻殼還爲夢裡人、下介生上俺一路行來、再
無影響、就似街市之際、摩肩擊轂、對面也不能相
識、那冥途無異人世、怎能遍尋消息、俺把他自縊
日期、牢記着九月十五日午時、轉托水判翁逐時
挨訪、自有下落、咳、張兄、你自尋魄喪、累我魂忙、好
悶人也呵、

賞花時

生俺則見百尺峩殿闕高、押鬼成羣捲怒

濤。忙。走。謁。功。曹。除。煩。去。惱。撮。合。俺。死。生。交。

來。到。此。間。判。翁。早。坐。衙。也。俺。無。召。而。往。且。在。門。首。
看。個。動。靜。坐。介。判。隨。鬼。使。二。上。介。

集賢賓

判。轉。風。輪。度。將。天。地。老。幾。翻。倒。舊。窠。巢。虛。飄。

響。氣。燭
天。金。聲
擲。地

飄。往。來。無。數。鬧。垓。垓。遣。發。難。逃。只。俺。這。文。移。兒。好。沒。
骨。敲。推。規。條。兒。又。徹。底。清。高。雖。則。是。剡。溪。藤。掃。片。雲。
千。兔。梢。只。落。的。懼。法。終。朝。兀。的。不。照。開。秦。帝。鏡。儀。肅。
漢。官。貂。

坐。介。鬼。使。放。牌。審。事。者。生。起。叫。介。判。翁。小。生。在。此。

判是那個使王先生到來判好奇怪非有幽召怎
得離魂到此道有請生揖坐判先生無召自來不
知何故快說與審家聽者生陽世張子才與俺交
厚一時說起地獄之事苦要挈往一觀俺說幽明
路隔不可前去不料適值大王相召那張生見俺
既去即時入室縊死追俺同往那時踪跡紛紜彼
此散失俺回家經宿彼竟未返小生又無官召也
只得自縊趕上望乞判翁查究救俺兄弟一命判
有這樣事來先生

胡判之
語雄讀
之近怒
水判之
語冷讀
之近哭

逍遙樂判荒郊流落爲着朋儔離冤苦告那痴呆漢
一命輕拋半刻飄蓬沒下梢虧殺你急追尋似健翻
風鷗也難救的離弦飛箭絕岸孤帆斷鎖潛蛟
那張子才好不苦也

上馬嬌判怎禁得旅燈淒雨淚滴寒宵落葉悲風恨
惹砧敲紅袖玉樓腸斷夢遶輕撇漾弔影迢遙那些
個玉門關生入的燕領貌

生則索早救他者判他是幾時縊死的生九月十
五日午時縊死判啗曉得了

掛金索

判記着時辰。好把個根苗討。執着因由。不怕

那葫蘆搗。問着飄蓬。怎做得浮萍杳。俺與你料理黃泉。追轉王陽道。

叫鬼使、陽世有一秀士張子才、他陽壽未絕、偶要
往觀地獄、九月十五日午時縊死、與王先生同來、
半路迷失、不得返魂、你可記着日時、作速查報、追
覓去者、使曉得、下介判先生、俺想此事、多則鬼犯
作弊、把他陷害了也、

金菊香

判多則是千頭萬臂、蔽日妖魘、弄的喬才、冷

魄飄搖、做相思、債倩女兒離、冤跑誰承望、金盃水中、漂不覺的、孟門劍閣墮、輕鑣。

使押趙婆上跪介、使趙婆押到、趙判爺可憐、判呀、
押這婆子何幹、使小鬼一路查去、但聞得那日一
鬼、借着趙婆的錢鈔、其間必有情弊、帶着聽問、判
這婆子從實說來、借錢鈔的是你何人、趙名叫錢
魁、是婦人的親戚、他說待用甚急、苦苦哀求、只得
把陽世李二媽的寄庫一千貫、借他前去、已後都
不曉得了、判好不奇異哩、

梧葉兒

判

他結黨狐狸隊。俺覆翻梟獍巢。那爰書明

註見分毫。叫鬼使。那九月十五日解犯幾起。快查報者。使下介點神差。整法曹。待一樁樁霜清霧消。

使上稟判爺。那日只有一起。解配猪犯事。判此鬼

作弊。解卒必是同謀。快把解卒姓名查報。那婆子

暫回原籍。勘出勾當。聽取問罪。使同趙下介判俺

想這事非小可也。

醋葫蘆

判

準備着銅牌勢。劍威用不穀。笞杖徒流絞。

俺把這事兒。即便去草宣東獄。五雲朝待做個花判。

南衙包制老使押卒上解卒劉旺押到判惱介這廝
賣法瞞天與鬼犯錢魁通同作弊借趙婆的錢鈔作
何勾當卒解卒不知道判唬少不得挈瓶償保怎做
得刻舟兒求劍水難撈

鬼使們把劉旺的腦兒箍起來箍腦介卒判爺願
招判放着卒鬼犯錢魁罪該變猪借錢使用把那
秀士鬼魂代變去了判有這樣沒天理的事鬼使
押着此犯速拿錢魁便了鬼卒同下介

後庭化判他劈手寄皮毛奸心脫罪殼全不管陽世

身猶在黃泉魄轉飄。便幻皮包神魂來到你幽途何處瞧。

使押二鬼上錢魁當面判惱介這幽鬼好狠心也。你把張秀士那裡去了。鬼小鬼也瞞判爺不得。騙去李貴家裡代變猪去了。判這奸鬼法應變畜罪加騙害重打一百鐵鞭。改變蟲蟻解卒劉旺同謀賣法重打八十鐵鞭。押入地獄俱打介判鬼使押此二犯受罪去者。押下介判先生那秀士代鬼變猪難以還冤。可到李貴家把新生猪兒都殺了待

彼返覓便是、只嗜家爲着先生、好不費盡追求哩、

青哥兒

判却不是撥轉來波、槎波槎一竅盲、眼龜撞、

伊撞伊誰到、還虧你喚主歸家赤緊牢、似夢裡方朝、
醉裡方覺、與好友同去話良宵、真堪笑、

生起介張秀士今得重生、皆判翁所賜、小生則索
拜謝了也、判不勞如此、生拜介、

浪裏來煞判今日價判得勞、追尋早張生、張生比着、
那蜚蜚牆內將身跳、鐵船撐弱水、洋中棹險些難料、
到如今都付兒童笑、

到此緣
來都是

別
意味俱

俱下介

第四齣

旦哭上介好苦呵。丈夫魂魄一去不返。那王生自
縊追查未得回信。却怎麼好。生上崔涵獲再生鮑
倩悟前世。嗟彼泉外人。羈魂反淹逝。大嫂拜揖揖
介旦丈夫信息若何。生不要說起。張兄追我而去。
半路迷失。誰想遇着黠鬼。騙去李貴家裡。代變猪
了。旦果有此事。痛殺我也。倒介生大嫂甦醒。賴俺
坐索判翁。追攝遊魂。挨查訪出。把那騙鬼解卒。問

罪發遣早間俺到李貴家盡殺新生猪兒他魂卽
刻就回大嫂可在房中看守小生在此少待旦如
此多謝就去看尸便了
下介生坐介咳張兄

耍孩兒

生你形神一處分開兩莽男兒轉多悲悵回

生度厄悔痴狂又不是爛柯碁舊里都忘俺想此時
若不急急追尋人將物化不叫做張兄不得又叫做
張兄不得似潛波天馬離羣獸排漢文鯨異族魴對
君家當面難相訪辜負的柳桃星戶望斷了桑梓雲
鄉

神氣高
爽故逐
段點染
而首尾
無蕪穢
之病

雜扮張魂一樣巾服急走一轉入房內且叫介好也丈夫還覓了生喜介張兄這番纔有性命哩

三煞 生返覓香一氣聞鎮心丸四大康你驚殘直待陽神旺天翻地覆人如夢陰錯陽差鬼混場到今日俱休悵便做個兩生人世也強似半死兒郎

喜得俺兄弟來也小生旦上介

二煞 小生勝鸞膠續的覓似犀靈辟的殃黑風濤把

南車傍見生介哥哥在此小弟若無哥哥拚死相救

險些不能再世今日個三生石上逢君笑百丈灘頭

仗你航大恩人。怎把銘銜放。兄弟只是叩拜哥哥不盡。小生且拜生介。消受些三餐。齏麩。準備着一炷名香。

生義當如此。幸得回生。可喜可喜。小生哥哥。小弟今番到醒得了也。

一煞 小生了無生。不住身。到彼岸。離色相。早回頭。自悟將吾喪。雖則是幾翻黑霧途。還負到做了一枕黃梁。我自當從此去。渾無恙。說甚麼。懽來喜去。只落得苦後甘嘗。

結句最

難數語

通身一

汗

尾

小生俺。若是有召去。如前願將舊路訪不爭的些。
兒肉軀。幻罔俺自有驅不去的。真身可再往。

蕉
鹿
夢

十種曲

舜水遽然子編

西湖林宗氏評

蕉鹿夢

西江月末混沌那曾鑿竅、巢由肯復懸瓢、凡夫認
賊做兒曹、堪付一場耍笑、好貨分明逐鹿、瞞人
真是藏蕉、世間何物是堅牢、得失從來顛倒、這一
套是蕉鹿夢、且道題目、

列子寓言紙上、

樵人得鹿墮中、

賢誦謝
靈運咏
夢詩云
意狀盈
眼前好
惡迷萬
變乃悟
覺時反

不如麻
時歷歷
皆置何
但蕪鹿

不是士師分割，誰教國相折衷。

第一折

浪淘沙

外扮山神上。靈氣闕煙霞，灌木爲家。有時社鼓賽神鴉。也自分符隨嶽瀆，蜃蠓無差。

木石同居不計年，躡虛長自過巖前。須知象罔無他術，拾得玄珠赤水邊。某山神的便是，名雖土偶人，實異木居士。但有飛塵蕙帳，誰來篝火叢祠。左右的，是白額侯、滄浪君、趨蹌的，是六雄公、玄丘尉。不比花妖水怪，元非木魅山精。適來列仙師、御風。

可以醒
世之蠅
營者

過此問小神所掌何事。我說部署山中百獸。仙師道得好。說如今世人好財。何異獸之逐食。投骨於地。則羣犬狺然。弱肉可欺。則衆強鷹至。比如人因財動氣的一般。深可憐笑。教我隨方設法。以覺羣迷。我如今檢較來。有一鹿合爲樵人擊死。不免就以此爲由。稍示幻化。有何不可。鬼使那有。去東林中勾取那鹿來者。鬼使引鹿上介外鹿兒呵。你只在中。飲食由己。却不是無求於世也呵。

北寄生草外你嚼園柳跳平澤。飲寒臥淺沙。只爲有

人尋取着你、便惹出後來許多話柄、從教倚角諸戎、
霸從他挺尾吳唐射、從渠素蠹蘇耽跨、好時節、雙夾、
鄭公車、沒來由、單指秦庭馬。

鹿跳鬼使舞介外鹿兒、你今日恰是該死也。

北醉扶歸外則爲無魂化。因將疾足加曹將軍利鏃、
敢爭差、休走傍蘇臺下。漫說道詩歌燕嘉、索把東方
詫。

外鬼使、你引那鹿兒、到山前樵採之處、待樵人烏
有辰擊死、藏在隍中、使他心迷眼眩、尋覓不得、錯

認爲夢後被漁人魏無虞拾去、然後開發烏有辰、
令其夢中省悟、再去尋討、兩相爭論、以警世人貪
戀財貨、尚氣角力者、皆是夢中一般、這是大仙師
列御寇的主意、恁好生記者、

北對玉環帶過清江引 可惜麀麇難教一命賒、誰似

西巴將麀肯放些、居澤不須琴、中林却有豎、叮嚀爲
場、準備着皮冠、撲麀邊混鹿、喬做作打併出、漁樵話
疑生盞底、蚰笑墮床頭、蝶算人生是一場、閑戲耍、

第二折

霜天曉角。生扮漁人上。烟蓑雨艇。適盡江湖興。收拾
絲綸一柄。閑耽風月雙清。

秋水無痕。開短棹。蓼花香裡。忘昏曉。醉眼冷看城
市。開烟波。老閒來自唱漁家傲。小子魏無虞。鄭國
人也。壯困儒生。貧爲漁父。念陽喬不上直鈎。料鱖
鮪豈貪粒餌。所以浮休蓑笠。棲遁滄洲。這也不在
話下。目今積雨初晴。新水正漲。好去垂釣一番。教
娘子整治些乾糧帶去。且到晚回來。

游棠春

旦上。村徑逐門成。日遞茅簷影。

見介官人、今日天色晴和、倘去釣魚、奴家已備下
乾糧在此了、**生**正欲如此、我想古人爲漁父者、任
公子之巨擘、這是釣名、呂尚父之非熊、這是釣世、
我雖不比古人、也自有一種趣味來、

黃鶯兒生釣譽果何情、向滄洲寄此生、浮家泛宅悠
然興、東海也不經、磻溪也有爭、何如我輕舸一葉無
名姓、**合**好忘形、塵勞世事有耳與誰聽、

旦官人、這釣魚生意、自是世外高人所爲、比如那
桐江之羊裘、玄真之忘餌、豈在區區得魚、這却與

官人一般、

前腔 且、灑、水、有、同、情、把、綸、竿、爲、主、盟、休、將、獨、蠶、圖、僥、倖、桐、江、上、有、聲、玄、真、子、可、憑、鷗、波、渺、渺、浮、空、淨、合、前

生 我就此駕船出去、

爲問江湖險若何、

人間無日不風波、

蘆花葦葉生涯好、

世網能如一釣蓑、

第三折

樵歌

丑扮樵夫持斧上、夫出擔柴妻勸多、丁寧無奈

擔頭何夜來、雨過蒼苔滑、莫向林巖險處過、

自家姓烏名有辰、賣柴爲生、連日天雨、不曾砍得、
今喜晴霽、且起早到山邊、斫一挑來、換些酒米也
好、行介

劉鋹兒丁丁斧劈生松火。斜斜徑轉斷蓬科。枯枝帶
霜墮。荒藜紫蘿。合扳條選柯。濕雲肩破。絕壑懸巖。休
辭坎坷。

鹿跳上介丑呀、那邊柴叢中颯颯的響、敢是虎來、
作望介鹿跳出介丑好也、原來是個鹿、我且從後
邊輕輕的一下、打倒了拿回去、却不強似斫柴、做

打介

前腔 麩麩何處中林貨。啣啣那管食苹歌。做打倒介
白楸。早先挫。那須網羅。丑喜笑介。出其不意。被我一
下就打倒了。本待就拏回去。但柴未砍完。且把些蕉
葉覆了。藏在隍中。省得人看見。要分做藏砍柴介。隍
中暫窩。覆蕉真妥。這砍柴是我生意。不可因得鹿就
罷了。得鹿忘蹄。於情不可。

柴已砍完。如今把鹿兒一同挑回去。做尋介呀。怎
麼不見了。又尋介。好怪。我分明打倒一鹿。藏在隍

此一夢
謂之因
夢可

中蕉下、怎生連這個去處也沒有了、是一片荒
草坡、呸、是了、我因起得早、用力辛苦、有些昏倦、便
做出、這、個、夢、來、且挑柴去罷、行又轉介不信、明明
是我打一下手、也有些酸疼的、難道有這樣夢、又
尋介咳、只是沒有、如今一定是夢了、且去休、行介

漁歌 生作搖船上、屬玉雙飛、烟滿波、菰蒲深處掛青
蓑、扁舟繫岸、依林樾、釣得鱸魚是玉梭。

丑問介釣魚的老哥、你會見我的鹿麼、生我方才
到來、不見你甚麼鹿、丑我起早來砍柴、夢見一個

說盡食
痴

人生一
大夢耳

鹿被我打死、藏在隍中、覆些蕉葉在上、已後醒來、
去尋香、沒踪跡、故問你一聲、生癡人是你自己做
的、夢怎麼問我、丑若是真打、得鹿你、一定不看見。
緣是夢中、只怕連你也是這般做夢、故問一聲、生
一發呆了、你自情迷逐鹿、我只意在得魚、丑老哥、
你且把篙子打我一下、看生却爲何、丑我今日這
樣昏得緊、只怕碎柴也是夢哩、生你這人果是昏
愚的、我自有事、休胡廝纏我、丑我且去、只是白白
的做這一個好夢、一些兒也不准氣、他不過正是

仰面貪看鳥、回頭錯認人、**下生**俺且就此垂釣則
個、

江頭送別生垂香餌、垂香餌、修鱗潛躲、剖半粒、剖半
粒、盈車難貨、這裡並無一魚呵、且向深溪還進舸、再
釣介又沒有、自逡巡、媿煞詹何、

呀、俺終日垂釣、並不得魚、怎生是好、且泊了船上
崖去、拾些墮樵、回去也好、上岸做拾柴介、這蕉葉
之下、有個死鹿在此、一定是那樵人打的了、他怎
的說是做夢、想他慌忙間、怕人撞着、藏在此間、一

時尋不着、便心中孤突起來、認是夢了、可笑可笑、他又去遠、俺只索拿到舟中去罷、

前腔

緣木處、緣木處、陽鱗絕夥、守株的、守株的、兔耳誰過、始信道魚雁鴻見邏、料采薇驚女非訛、

本是求魚者、

翻爲得鹿人、

漁樵相問答、

又見一番新、

第四折

一江風

且上映斜陽、茅屋澄溪上、落木風交響、慘叢叢、野菊枯蓬、粧點出貧家况、蕭緯度流光、烟炊土銜

荒待携魚停却沙頭漿。

官人早間出去釣魚，日已西斜，還未歸來，晚餐已煮下了，且候他則個。

前腔 生作搖船上，過橫塘，野水生微浪。鷗泛餘霞，混淡茫茫。老樹疎籬似一帶，瀟湘狀。浦口出鳴榔，喧林鳥亂翔。且緣延收却船頭網。

見介。且官人，你來了，可有魚麼？生：娘子，今日一個魚兒也沒有，倒有一樁奇事。且有甚奇事？生：拏得一個鹿，見在船上，我和你擡上來。且官人，鹿乃山

蕉鹿夢

中之獸、如何却落在你手裡、**生**你且猜一猜、

桂枝香

旦與胖非望、突鶉何想、你從來搨鼈寒江、誰

待去殢兒前嶂、漫沉吟自思、漫沉吟自思、可是鮑葵
脫鞅秦巴憐放、試叅詳塞上原多馬、河中別有魴。

生笑介我釣魚之處、有一樵夫對我說、夢裡打得
一鹿、問我曾見否、又沿途尋覓、深自歎息、我道是
癡人說夢、了無憑據、誰想我一魚不得、上崖去拾
些墮樵、偶然就蕉葉下、見一死鹿、在隍中、所以拏
來在此也、不知那人是夢、是真、

前腔 生他非熊成象。我獲麟如響。任他秦鹿存亡。那論楚弓得喪。且憑將橫來。且憑將橫來。好似功收鵝蚌。巧張罟網。細思量。腐鼠真成誤。神龜合見祥。

旦 原來如此怪。那樵夫問你尋鹿不得。還是你夢見樵夫打鹿。還是果有這個樵夫。只怕你也是夢裡。如今你真得這鹿。是你的夢做得准了。

前腔 旦迷真作妄。幻虛成誑。憑誰忘却筌蹄。忽自眩爲夢想。你向隍中取回。你向隍中取回。豈由天降。定非鼎養。試叅詳。海客鷗從泛。雕陵鵲異常。

蕉鹿夢

生娘子不須過慮。他夢打鹿的，倒不曾得鹿。我不夢鹿的，却見有此鹿。何用知彼夢我夢哉。

前腔

生空空生障，非非成想。如何逐在林中。我自知之濠上，據而今醒時。據而今醒時，但問六占不爽。一心無枉。細思量。狡穴從藏兔，多岐恐喪羊。

釣罷歸來不繫船。

得魚何事又忘筌。

從他得失皆如夢。

且只悠悠任目前。

第五折

水底魚兒

丑上夢覺相尋。紛紛役此心。何如無夢得。

此一夢
謂之想
發可

失總無因。

我昨日砍柴似夢非夢，打得一個鹿，打時節恰像，是真尋不着，又道是夢，心中突兀，放他不下，夜來當真做一夢，藏鹿之處是個沒水的溝兒，上面有個高土堆，下邊有株大枯樹，被一個姓魏名無虞的，拏去了，他家住東村口，門前有條大溪，籬邊吊隻小漁船兒，明明白白的，不信道也是夢。我且遲到東村口去尋，則個行介。

哭岐婆

丑終朝尋趣，狐疑自哂，昨宵諦審，夢魂堪訊。

愴惶欲攫市中金。依稀且辨樓成蜃。

此間已是東村口了。果然有一人家。門臨溪水。籬繫漁舟。夜來已到過了。一定不差。且試叫着。魏老哥有麼。

水底魚兒生應上得鹿何心。歸來恐未真。緣知夢裡覺後費追尋。

見介丑老兄。我昨日打這一個鹿。原是你拏得了。好好還了我罷。**生**鹿到原有。只你是夢中打的。我是醒時得的。與你無干。且說你的鹿藏在那里。**丑**

痴人說
夢偏似
能轉法
華

議前風
生

我的鹿藏在一個乾水溝裡，上面有個高土堆，下
邊有株大枯樹，溝兒上又蓋些蕉葉的，是也不是。
生你這般明白，怎麼昨日不拏了去，**丑**我昨日尋
不着，所以道是做夢。昨日真去做夢，如今又尋着
了。**生**既如此，你自進來拏了去，**丑**好，准夢見鹿背
云：這人是本分的，且待我詐他一詐，回云：我有兩
個鹿，怎麼只是一個了。**生**爲何有兩個，**丑**我夢中
打一個，是昨日尋不着的，昨日真打這一個，是夜
來夢見的，豈不是兩個鹿。**生**你這人，真是做夢打

直捷語
反無味

時節是真，忘記了是夢，總是這個鹿，怎的賴我兩個。
丑倒說我是做夢，若不是夢中打一個，我昨日不該做夢。若不是真打一個，你昨日不該拏回，定要還我兩個纜罷。
生怒介：你昨日問我時節，已認得我了，假托做夢來欺賴我。這鹿是我自打的，你自去尋那夢中打的。

大逐鼓生：無端起禍因，把夢熊爲彘，封豕相侵。自古道：晝之所爲，夜之所夢。你昨日已自耍賴我了，你憑將芻狗虛來窘。豈料冰狐實可嗔。我自漁人，你自樵。

人有甚干涉、我自臨淵。汝還負薪。

丑怒介你偷了我兩個鹿、連這一個也賴了、我定要告官去、

前腔 丑須當辨假真、把狙公且禁。狼子還馴。自古道赤脚的趕鹿、着靴的喫肉、你也只是個釣魚的麼、你羊裘漫自誇魚樂。狸德從知有獸心。只有樵夫打得鹿、不信你漁翁去拏得鹿、少不得官府、也是明白的。你自探淵、咱須採薪、

丑扯生介我和你到士師衙裡去、

對面真成夢、

欺心不怕天、

世間何事大、

財與命相連、

第六折

秋藥香

小生扮士師冠帶上。止水常懸衡鑑。盈庭兩

造無冤。鈎距不施刑自簡。還看臥治餘閒。

下官鄭國士師是也。職親詢獄。案掌爰書。聽斷公平。不紊五刑之典。奉法明允。那飛六月之霜。但我國主。精於吏治。勤於民隱。雖瑣細之事。皆當奏讞。以聞。目今無事。怕有爭訟的。須與分理。左右把放。

岐伯曰
風氣客
於膽則
夢闕訟
然則此
一訟也
想魏無
虞亦在
夢中矣

告牌出去淨貼介

晉賢歌

丑扭生上夢中得失總何言平地欺人那問

天紛紛且亂牽糊塗合有冤特向公庭憑發遣

各叫介丑爲偷盜事的生爲欺騙事的小生你兩

人扭結在此還是各告一事總爲一事丑事雖一

樣情實兩般小生說的不明白左右的與我扯開

兩邊各自拏狀子過來丑小的是不識字的樵夫

容口說小生你且道來丑自家烏有辰山中去採

薪夢裡遇一鹿打倒沒處尋回家又做夢夢見這

漁人將我鹿偷去，任討却生嗔，特來求判斷，不知是假真。小生據你說來，都是做夢。那漢子且過來談生，小人魏無虞，溪邊去捕魚，偶從山下過，鹿死覆枯株，携歸剛信宿，烏有太癡愚。說來雖是夢，做出果非虛。見今原有鹿，與彼夢中殊。小生這鹿在那里，生在小人家下，小生着一個皂隸去拏那鹿兒來，淨下。小生笑介：那烏有辰，我且說與你曉得。大凡夢中都是妄境，夢寶玉，醒來不會到手，夢酒食，醒來不會到口，你真得一鹿，妄謂之夢，妄想做。

人能於
夢覺夢
而不能
於夢境
覺是改
終身遊
於大夢
而不知
覺也于
夢曉覺
者其唯
至人乎
請以問
之冷然

夢反得其真。你這顛倒夢想，真可憐也。

鎖南枝 你原非醉，却似顛。明將醒時，做夢裡看。蕉下若爲畋，隍中定誰見。你怎麼夜來又夢見得鹿之主，倒是一樁怪事，真失去。妄得還，你如今又告那魏無虞呵，似攘雞把隣怨。

淨拏鹿上。鹿在此了。小生魏無虞，這個鹿就是那烏有辰打的。但是他做了夢境，你得在真境。你固以真得鹿，他却以夢爭鹿。這真妄錯雜，却累着你來。

前腔真無罪，妄受愆。料伊得來也偶然。彼夢復何緣。寤因果非變。你兩下不要爭，偷也非偷，騙亦非騙。憑見在兩勿喧。烏有辰，你也虧他拏回，不要全信其夢。魏無虞呵，你似亡猿有隣患。

丑老爺，小人辛辛苦苦做了這一場夢，打得這鹿。夜來放不過，翻翻覆覆睡不着。夢見他拏得來，不知用多少氣力在裡面。怎麼教小的不要爭。小生笑

介你那獸人睡不着，怎麼有夢。丑小的原是青着。眼做夢的人，不然夢中也打不得這鹿。小生你二

人聽我判斷、把從前都不要論、只據有此鹿各自
中分一半也罷、我亦不敢做主、且奏過國主、然後
發落、你們且在外邊候着、小生行奏介、臣士師有
事、奏聞我主、內云奏甚事、小生樵夫烏有辰、打得
一鹿、以爲夢而失之、

一封書 小生有樵人最愁、擊饑麝失便旋、漁人魏無

虞、偶然獲得呵、有漁郎駕船、向蕉蘇偶給鮮、以後烏
有辰、復夢見魏無虞得鹿、到他家中、兩相爭論、朦朧
境界人難剖、彷彿因由鹿可原、臣今據鹿請二分之、

法無偏事兩全敢望君王特降宣

內云二人爭鹿鹿從何來似夢非夢竟歸何處今

士師將復夢分人鹿乎可與國相更議便宜行之

小生謝介末扮國相上世事原如夢人生太認真

何須論夢覺覺是夢中身小生見介末適來奏謝

國主命我再加詳審我看來此事甚奇夢與不夢

何必辨之欲辨夢覺惟黃帝孔丘今無黃帝孔丘

孰與辨哉中分之說極是有理小生不敢末那爭

鹿的在那里生丑見介末你二人一是漁人一是

樵人漁樵自古同類，豈可因而忿爭？且此事夢覺相尋，真妄互見，倒可以感悟人也。

如樂令
爲術珍

金谷園末你眩人生分明是睡仙。譚世故，黥花了佛。

割析曾
中當無

眼蝸角虛勞爭戰，何如鼻息齁齁。今日事可參玄。

膏肓之
疾矣

生小人原無訟心，只爲烏有辰不明白，所以有此

爭端。**丑**今日蒙老爺分割，已如夢得醒了，小生也

非此話。

嘉慶子人間事事皆虛誕，又何須錯誤纏綿。真個是

令我啞
然自失

幻中生幻，剖不斷那情緣，都一笑且忘言。

蕉鹿夢

川撥棹

合

本來面是何物。爲方便。利名兩字相煎。相煎處。誰如願。可惜暮雲飛電。從他春草飄烟。問何如鹿豕。閒付漁樵作話傳。

虎聲

從前夢覺都休辨。且領取而今當面。莫把荒唐做紙上看。

阿堵由來說有神

無明從此又生因

爲看蕉鹿終何在

到底都如夢裡人